



27. oktober 2020

UKA 2020/26

Umiarsuarnik nalunaarsuineq pillugu maleruagassat Kalaallit Nunaannut atuutilerineri pillugit peqqussutip Namminersorlutik Oqartussanit akuerineqarnissaa pillugu Inatsisartut aalajangiiffigisassaattut siunnersuut

(Ineqarnermut Attaveqaqatigiinnermullu Naalakkersuisoq)

Siullermeerneqarnera

Imarsiornermut inatsimmi umiarsuit nalunaarsorneqartarneri pillugit allannguutissanut arlalinnut aalajangiiffigisassatut siunnersuutit saqqummiunneqarput. Siunnersuuteqarnermi inatsisit atuuttut inatsisitut naleqqunnerusunngorlugit naapertuunnerusunngorlugillu nutarterneqarnissaat siunertarineqarpoq. Aamma siunnersuuteqarnerup kingunerisaanik umiarsuarnik nalunaarsuisarneq digitaliseererneqassaaq.

Partii Naleqamiit siunnersuut paasivarput Danskit Imarsiornermi inatsisaannut naapertuutunngorsaanerit arlallit matumani peqartut. Taamammat allanngutissat saqqummiunneqartut ataasiakkaalugit oqaaseqarfiginngikkaluarlugit, siunnersuutip tamarmiusup aappassaaneerneqannginnermini Ataatsimiititaliami susassaartumi suliarineqarnissaa innersussutigaarput.

Mannalu iluatsillugu Naalakkersuisunut apeqqutigissavarput februar 2017-imi saqqummiunneqartumi siusinnerusukkut Inatsisartut aalajagigaannik aallaaveqartumik, tassa (imarsiornermut tunngasut) umiartornermut tunngasut pillugit namminersorlutik oqartussat angerlaasisinaanerat pillugu misissueqqissaarnermit nalunaarusiakkut siunnersuutigineqarpoq, oqartussaaffik pingasoqiusanngorlugu peqqissaartumik tulleriaartumik angerlaanneqassasoq. Naalakkersuisummita tassani suliami sumut killippat?

Taamannak oqaaseqarluta ataatsimiititaliaq sulilluarnissaanniki kissaapparput.

Pele Broberg, Partii Naleraq